

ხელშეკრულება სახელმწიფო შესყიდვის შესახებ

№გ.შ21.02/18

ქ. თბილისი
21.02.2018წ.

ერთის მხრივ, შპს „სახელმწიფო სამშენებლო კომპანია“ (შემდგომში „შემსყიდველი“), წარმოდგენილი მისი დირექტორის გიორგი შენგელიას სახით და შპს „ადა“ (შემდგომში „მიმწოდებელი“) წარმოდგენილი მისი დირექტორის გიორგი ღულუნიშვილის სახით, მეორეს მხრივ, ეხელმძღვანელობთ რა „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტითა და „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის №13 ბრძანების მე-2 მუხლის „ა“ პუნქტით, ვლებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საფუძველზე „მიმწოდებელი“ თანახმაა მიწოდოს „შემსყიდველს“ ხელშეკრულებით გათვალისწინებული საქონელი, ხოლო „შემსყიდველი“ კისრულობს ვალდებულებას მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.
- 1.2. საქონლის დასახელება, რაოდენობა, ერთეულის ფასი და საერთო ფასი მოცემულია №1 დანართში, რომელიც ამ ხელშეკრულების განუყოფელ ნაწილს წარმოადგენს.

2. ღირებულება და ანგარიშსწორების წესი

- 2.1. მისაწოდებელი საქონლის საერთო ღირებულება შეადგენს 195.00 (ასოთხმოცდათხუთმეტი) ლარს დღგ-ს ჩათვლით.
- 2.2. ანგარიშსწორება „მიმწოდებელთან“ განხორციელდება საქონლის მიწოდებიდან და 3.4. პუნქტით გათვალისწინებული მიღება ჩაბარების აქტის გაფორმებიდან 05 (ხუთი) სამუშაო დღის განმავლობაში.
- 2.3. ანგარიშსწორება „მიმწოდებელთან“ განხორციელდება უნაღლო ანგარიშსწორებით ლარში.

3. საქონლის მიწოდების პირობები

- 3.1. საქონლის მიწოდება განხორციელდება ხელშეკრულების გაფორმებიდან 02 (ორი) სამუშაო დღის განმავლობაში.
- 3.2. საქონლის მიწოდების ადგილია მიმწოდებლის მალაზია მდებარე: ქ.თბილისი, მიცკევიჩის ქ.№4.
- 3.3. „მიმწოდებელი“ ვალდებულია „შემსყიდველს“ საქონელი გადასცეს მოქმედი კანონმდებლობის შესაბამისად გამოწერილი სასაქონლო ზედნადებითა და კანონმდებლობით გათვალისწინებულ შემთხვევაში საგადასახადო ანგარიშფაქტურით.
- 3.4. საქონელი შემსყიდველის მიერ ჩაბარებულად, ხოლო მიმწოდებლის მიერ მიწოდებულად ითვლება მიღება-ჩაბარების აქტის გაფორმების შედეგად, რომელიც შედგება საქონლის მიწოდების შემდეგ.
- 3.5. მიღება-ჩაბარების აქტი ფორმდება წერილობითი ფორმით, მხარეთა საამისოდ უფლებამოსილი წარმომადგენლების ხელმოწერით.
- 3.6. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.
- 3.7. მიმწოდებელი უფლებამოსილია შემსყიდველს წარუდგინოს ანგარიშფაქტურა მხოლოდ ამ ხელშეკრულების 3.4. პუნქტით გათვალისწინებული მიღება-ჩაბარების აქტის გაფორმების შემდეგ.

4. საქონლის ხარისხი

- 4.1. შესასყიდი საქონელი უნდა შეესაბამებოდეს მსგავსი საქონლისათვის არსებულ სტანდარტს.
- 4.2. მიმწოდებელი იძლევა გარანტიას, რომ მიწოდებული საქონელი ექსპლუატაციის ნორმების დაცვის შემთხვევაში არ გამოავლენს დეფექტებს.

4.3. მიმწოდებელი ვალდებულია შეტყობინების მიღებიდან გონივრულ ვადაში განახორციელოს წუნდებული საქონლის ან მისი ნაწილის შეცვლა შემსყიდველის მხრიდან რაიმე დამატებითი დანახარჯების გარეშე.

4.4. მიმწოდებელი ვალდებულია სრულად აუნაზღაუროს შემსყიდველს უხარისხო საქონლის მიწოდებით მიყენებული ზიანი.

4.5. მიმწოდებელი იძლევა გარანტიას, რომ შესასყიდი საქონელი არ არის სადაო, არის უფლებრივად და ნივთობრივად უნაკლო და მესამე პირს არ შეიძლება ჰქონდეს მიწოდებული საქონლის მიმართ რაიმე სახის პრეტენზია.

4.6. თუ წუნის შეკეთება ან შეცვლა შეუძლებელია და შემსყიდველს უკვე გადახდილი აქვს საქონლის ღირებულება მიმწოდებელი ვალდებულია დაუბრუნოს შემსყიდველს გადახდილი ღირებულება და სრულად აუნაზღაუროს მიყენებული ზიანი.

4.7. შემსყიდველს უფლება აქვს თვითონ მიიღოს შესაბამისი ზომები ექსპლუატაციის პროცესში წარმოქმნილი არვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან (ასეთის არსებობის შემთხვევაში).

5. ხელშეკრულების შეწყვეტა მისი პირობების შეუსრულებლობის გამო

5.1. შემსყიდველი უფლებამოსილია ცალმხრივად შეწყვიტოს ხელშეკრულება შემდეგ შემთხვევებში:

- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვალებში არ შეუძლია მიაწოდოს მთელი საქონელი ან მისი ნაწილი;
- ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

5.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

5.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების შესრულებას;
- ბ) საქართველოს კანონმდებლობით გათვალისწინებულ სხვა შემთხვევებში.

6. ხელშეკრულებაში ცვლილებების შეტანა

6.1 ამ ხელშეკრულების პირობების ნებისმიერი ცვლილება და დამატება ძალაშია, თუ ისინი შესრულებულია წერილობითი ფორმით, რომელიც ამ ხელშეკრულების განუყოფელი ნაწილი იქნება.

6.2. იმ შემთხვევაში თუ ხელშეკრულების მოქმედების პერიოდში რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისის დასაბუთებული ინფორმაცია.

6.3 „მიმწოდებელთან“ დადებული ხელშეკრულების პირობების შეცვლა დაუშვებელია, თუ ამ ცვლილებას შედეგად „შემსყიდველი“ ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

6.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

7. მხარეთა პასუხისმგებლობა

7.1. ამ ხელშეკრულებით გათვალისწინებული ვალდებულებების შეუსრულებლობისათვის ან არასათანადო შესრულებისათვის მხარეები პასუხს აგებენ მოქმედი კანონმდებლობის შესაბამისად;

7.2. ხელშეკრულებაში მონაწილე თითოეული მხარე ვალდებულია მეორე მხარეს აუნაზღაუროს ხელშეკრულების პირობების შეუსრულებლობით ან არასათანადო შესრულებით გამოწვეული ზარალი საქართველოს მოქმედი კანონმდებლობის შესაბამისად;

7.3. ხელშეკრულების შესრულების კონტროლსა და ზედამხედველობას შემსყიდველის მხრიდან განახორციელებს ინფორმაციული ტექნოლოგიების სპეციალისტი გეგა ნადაშვილი (პ/ნ: 01017034894).

8. ფორს-მაჟორი

8.1. მხარეები თავისუფლდებიან პასუხისმგებლობისაგან ამ ხელშეკრულებით გათვალისწინებული ვალდებულებების სრული ან ნაწილობრივი შეუსრულებლობისათვის იმ შემთხვევაში, თუ აღნიშნულ ვალდებულებათა შეუსრულებლობა გამოწვეულია ფორს-მაჟორული გარემოების გამო. თუმცა, ფორს-მაჟორული გარემოების გამო ხელშეკრულების მხარეებმა უნდა გაატარონ ყველა კეთილგონივრული ღონისძიება, რათა მინიმალურ დროში იქნეს დაძლეული უუნარობა ხელშეკრულებით გათვალისწინებული ვალდებულებების მინიმალური დაგვიანებით შესრულების თვალსაზრისით. ამასთან, ის ვადა, რომლის განმავლობაშიც ხელშეკრულების მხარემ უნდა შეასრულოს წინამდებარე ხელშეკრულებით მასზე დაკისრებული ვალდებულება გადაიწვეს იმ პერიოდის ექვივალენტური დროით, რომლის განმავლობაშიც ასეთ მხარეს არ შესწევდა აღნიშნული ვალდებულებების განხორციელების უნარი ფორს-მაჟორული გარემოების გამო, თუ ეს საერთოდ იქნება შესაძლებელი;

9. სადაო საკითხების გადაწყვეტა

9.1. ამ ხელშეკრულებასთან დაკავშირებით წამოჭრილი ყველა დავა და უთანხმოება გადაიჭრება მხარეთა შორის მოლაპარაკებების გზით. წინააღმდეგ შემთხვევაში მხარეები მიმართავენ სასამართლოს მოქმედი კანონმდებლობის შესაბამისად.

9.2. საკითხები, რომლებიც არ არის დარეგულირებული ამ ხელშეკრულებით, რეგულირდება საქართველოს მოქმედი კანონმდებლობის შესაბამისად.

10. ხელშეკრულების მოქმედების ვადა

10.1. ხელშეკრულება ძალაშია მხარეთა მიერ მისი ხელისმოწერისთანავე და მოქმედებს 2018 წლის 30 მარტის ჩათვლით.

ხელშეკრულება შესრულებულია და ხელმოწერილია ორ ეგზემპლარად, რომლებიც ინახება ხელშეკრულების მონაწილე მხარეებთან.

მხარეთა იურიდიული მისამართები და საბანკო რეკვიზიტები

“შემსყიდველი”

შპს “სახელმწიფო სამშენებლო კომპანია”

მის: ქ. თბილისი,
ორხევის დასახლება, ახვლედიანის №21
ს/კ: 205140257
ბანკი: ს.ს. “თიბისი ბანკი” –
კოდი: TBCBGE22
ა/ა: GE17TB1100000360200175

გიორგი შენგელია




“მიმწოდებელი”

შპს “ადა”

მის.: ქ.თბილისი, მიცკევიჩის ქ№4
ს/კ: 405027830
ბანკი: სს “საქართველოს ბანკი”
კოდი: BAGAGE22
ა/ა: GE82BG0000000626529900

გიორგი ლულუნიშვილი



დ ა ნ ა რ თ ი №1

(2018 წლის 21 თებერვლის სახელმწიფო შესყიდვის შესახებ №გ.შ.21.02/18 ხელშეკრულებაზე)

ქ. თბილისი

21.02.2018წ.

#	საქონლის დასახელება	CPV	რაოდენობა	ერთეულის ფასი (ლარი დღგ-ს ჩათვლით)	საერთო ფასი (ლარი დღგ-ს ჩათვლით)
1	უნივერსალური დამტენი AU-90W+13 TIPS 90W Universal AC Power Adapter Charger with 13 Tips Connectors f	31681500	3	65	195

მხარეთა იურიდიული მისამართები და საბანკო რეკვიზიტები

“შემსყიდველი”

“მიწოდებელი”

შპს “სახელმწიფო სამშენებლო კომპანია”

შპს “ადა”

მის: ქ. თბილისი,
ორხევის დასახლება, ახვლედიანის №21
ს/კ: 205140257
ბანკი: ს.ს. “თიბისი ბანკი” –
კოდი: TBCBGE22
ა/ა: GE17TB1100000360200175

მის.: ქ.თბილისი, მიცკევიჩის ქ№4
ს/კ: 405027830
ბანკი: სს “საქართველოს ბანკი”
კოდი: BAGAGE22
ა/ა: GE82BG0000000626529900

გიორგი შენგელია



გიორგი ლულუნიშვილი

